



Adsefydlu Ffoaduriaid Cwestiynau Cyffredin

Caiff Partneriaeth Mewnfudo Strategol Cymru, a sefydlwyd yn 2001, ei hariannu gan y Swyddfa Gartref a'r Weinyddiaeth Tai, Cymunedau a Llywodraeth Leol i hwyluso arweinyddiaeth strategol, cyngor a chydgyssylltu mewn perthynas â mewnfudo. Cynhelir y Bartneriaeth gan [Gymdeithas Llywodraeth Leol Cymru](#) (CLILC) i adlewyrchu ei rôl ledled Cymru gyfan mewn perthynas â mewnfudo.

Mae'r Cydlynnydd Adsefydlu Ffoaduriaid ym [Mhartneriaeth Mewnfudo Strategol Cymru](#) yn arwain ar gydgyssylltu cynlluniau adsefydlu Llywodraeth y DU a Nawdd Cymunedol ar draws Cymru, gan weithredu fel un pwynt cyswllt i'r Swyddfa Gartref, y 22 o gynghorau yng Nghymru, y sector gwirfoddol a chymunedol a phartneriaid eraill.

Pwy sy'n ffoadur?
Beth yw Confensiwn Ffoaduriaid 1951?
Faint o ffoaduriaid sydd yna yn y DU?
Beth yw Cynlluniau Adsefydlu'r DU?
Beth yw'r Cynllun Nawdd Cymunedol?
Sut mae pobl yn cael eu dewis ar gyfer adsefydlu?
Beth yw rôl y Sefydliad Rhyngwladol ar gyfer Ymfudo?
Beth yw rôl cynghorau?
Beth yw eich manylion cyswllt i gael rhagor o wybodaeth?

Pwy sy'n ffoadur?

Y diffiniad o ffoadur yn ôl [Confensiwn Ffoaduriaid y Cenhedloedd Unedig](#) yw:
"Unigolyn sydd o ganlyniad i ofn sydd â sail gadarn o gael ei erlyn am resymau'n ymwneud â hil, crefydd, cenedligrwydd, bod yn aelod o grŵp cymdeithasol penodol neu fod â barn wleidyddol, sydd y tu allan i wlad ei genedligrwydd ac nad yw'n gallu neu, o ganlyniad i ofn o'r fath, mae'n amharod i fanteisio ar amddiffyniad y wlad honno; neu gan ei fod heb genedligrwydd a'i fod y tu allan i wlad ei breswylfan blaenorol, o ganlyniad i ddigwyddiadau o'r fath, nad yw'n gallu neu, o ganlyniad i ofn o'r fath, mae'n amharod i ddychwelyd i'r wlad honno."

Yn y DU mae unigolyn yn dod yn ffoadur os yw'r llywodraeth yn cytuno bod unigolyn sydd wedi gwneud cais am loches yn cyd-fynd â'r diffiniad yn y **Confensiwn Ffoaduriaid**. Ar y pwynt hwnnw byddant yn 'adnabod' yr unigolyn hwnnw fel ffoadur ac yn rhoi dogfennau statws ffoadur iddo.

Beth yw Confensiwn Ffoaduriaid 1951?



Cafodd y Confensiwn Ffoaduriaid ei sefydlu wedi'r Ail Ryfel Byd pan oedd niferoedd mawr o bobl yn ceisio lloches mewn gwledydd eraill. Mae'n gytundeb amlochrog gan y Cenhedloedd Unedig sy'n diffinio pwy sy'n ffoadur, mae'n nodi hawliau'r unigolion a gaiff loches a chyfrifoldebau cenhedloedd sy'n rhoi lloches. Mae'r DU yn barti i Gonfensiwn 1951.

Faint o ffoaduriaid sydd yna yn y DU?

Mae Cymru ers amser wedi darparu lloches i'r rhai hynny a oedd yn chwilio am noddfa gan gefnogi'r boblogaeth o fewnfudwyr o Iwerddon a ddihangodd rhag Newyn Mawr y 1840au, drwy groesawu dros 4,500 o ffoaduriaid o Wlad Belg yn ystod y Rhyfel Byd Cyntaf a chroesawu'r gymuned fwyaf o Eidalwyr yn y DU, gyda'r mwyafrif ohonynt yn ymfudo rhwng y 19^{eg} a'r 20^{fed} ganrif.

Yn ystod y blynyddoedd diweddar mae llwybrau mwy ffurfiol tuag at adsefydlu wedi eu sefydlu drwy gyflwyno Cynllun Adsefydlu'r Deyrnas Unedig yn ogystal â Pholisi Adleoli a Chynorthwyo Affganiaid a Chynllun Adsefydlu Dinasyddion Affganistan sydd wedi arwain at 750 o ffoaduriaid yn ymgartrefu yng Nghymru.

Yn ôl y [Cenhedloedd Unedig, mae tua 133,000 o ffoaduriaid yn y Deyrnas Unedig](#). Bydd y mwyafrif wedi ymgeisio am loches yn y wlad hon cyn iddynt gael eu hadnabod fel ffoaduriaid.

Beth yw Cynlluniau Adsefydlu'r DU?

Ym mis Mehefin 2019, fe gyhoeddodd Llywodraeth y DU y byddai cynllun cyfunol newydd sef [Cynllun Adsefydlu'r DU](#) yn disodli'r Cynllun Adsefydlu Unigolion Diamddiffyn a rhaglenni adsefydlu eraill a oedd yn bodoli o fis Ebrill 2020. Nod y cynllun newydd fyddai adsefydlu tua 5,000 o ffoaduriaid bob blwyddyn. Cafodd cyflwyno Cynllun Adsefydlu'r DU ei ohirio o ganlyniad i bandemig y coronafeirws.

Ers 1 Mawrth 2025 mae [Rhaglen Adsefydlu Affganiaid](#) yn uno'r cynlluniau adsefydlu Affganiaid presennol gyda'i gilydd. Dyluniwyd y rhaglen i wella effeithlonrwydd, gwerth am arian a chanlyniadau ar draws Adsefydlu Affganiaid.

Mae'r cynlluniau presennol fydd yn cael eu cyfuno o dan y Rhaglen Adsefydlu Affganiaid yn cynnwys:

1. [Polisi Adleoli a Chynorthwyo Affganiaid \(ARAP\)](#). Polisi ar gyfer dinasyddion Affganaid sydd wedi gweithio ar gyfer neu gyda Llywodraeth y DU yn Affganistan mewn rolau diamddiffyn neu ystyrllon a gall gynnwys cynnig i adleoli i'r DU ar gyfer y rhai a bennir yn gymwys gan y Weinyddiaeth Amddiffyn ac a bennir yn addas i'w hadleoli gan y Swyddfa Gartref.

2. CynllunAdsefydlu Dinasyddion Affganistan (ACRS) Cynllun adsefydlu sy'n

seiliedig ar atgyfeiriad sy'n blaenoriaethu pobl ddiamddiffyn a'r rhai sydd wedi cynorthwyo gydag ymdrechion y DU yn Affganistan.

I gael rhagor o wybodaeth ewch i <https://www.gov.uk/guidance/afghan-resettlement-programme>

Beth yw'r Cynllun Nawdd Cymunedol?

Mae'r Nawdd Cymunedol yn rhan o raglen adsefydlu UNHCR Llywodraeth y DU sy'n galluogi grwpiau cymunedol i groesawu a chefnogi teulu a adsefydlwyd yn uniongyrchol i'w cymuned leol. Mae wedi ei ddylunio i weithredu mewn partneriaeth gyda chymunedau lleol ac mae'n hyrwyddo canlyniadau cadarnhaol ar gyfer teuluoedd a adsefydlwyd a'r rhai hynny sy'n eu cefnogi.

Mae ffoaduriaid sydd wedi eu hadsefydlu drwy Nawdd Cymunedol yn ychwanegol at y rhai hynny sydd wedi eu hadsefydlu i gynghorau drwy gynlluniau adsefydlu eraill.

Mae elusen RESET yn darparu cyngor a chefnogaeth gyda gofynion ymarferol ar gyfer grwpiau sydd eisiau cofrestru a dod yn noddwyr.

Cymunedau ar gyfer Affganiaid

Mae'r Weinyddiaeth Dai, Cymunedau a Llywodraeth Leol, "yr Adran", yn ceisio cynnal cystadleuaeth a chyflwyno trefniadau cyllid grant i sefydlu "Prif Noddwyr" partner VCSE, i weithio gyda nhw i arwain sefydliadau nawdd cymunedol i gyflwyno ail gam "Prosiect Cymunedau ar gyfer Affganiaid" (dyddiad cau 10 Ebrill 2025).

Mae Cymunedau ar gyfer Affganiaid yn llwybr nawdd ar gyfer unigolion o Raglen Adsefydlu Affganiaid. Mae wedi'i ddylunio i ddarparu tai diogel a fforddiadwy yn gyflym, yn seiliedig ar fodel nawdd cymunedol, gan alluogi grwpiau cymunedol lleol i groesawu a chefnogi ffoaduriaid yn uniongyrchol yn eu cymunedau lleol. Felly, mae'n gweithredu'n wahanol i raglenni adsefydlu eraill. Rhennir y cyfrifoldeb i adsefydlu aelwydydd rhwng Llywodraeth EF, Prif Noddwyr, Grwpiau Nawdd a chynghorau. Felly bydd trefniadau nawdd llwyddiannus yn dibynnu ar ymgysylltiad cadarnhaol a pherthnasoedd cydweithio rhwng y grwpiau hyn.

Mae cam 2 Cymunedau ar gyfer Affganiaid yn ceisio derbyn 500 o aelwydydd Affganaidd (oddeutu 2,750 o unigolion) ar Raglen Adsefydlu Affganiaid erbyn diwedd Mawrth 2031. Y nod yw darparu'r hyn y mae aelwydydd eu hangen i integreiddio mewn cymdeithas a hyrwyddo cydlyniant rhwng gwesteion a'u cymunedau lleol er mwyn iddynt allu cyfranogi'n llawn mewn bywyd yn y DU.

I gael rhagor o wybodaeth ewch i



Prosiect

Cymunedau ar gyfer Affganiaid: Diweddariad polisi MHCLG - GOV.UK

Sut mae pobl yn cael eu dewis ar gyfer adsefydlu?

Mae [Asiantaeth Ffoaduriaid y Cenhedloedd Unedig \(UNHCR\)](#) yn nodi pobl sy'n wynebu'r perygl mwyaf o **niwed difrifol** yn y wlad lle maent wedi eu cofrestru, a hefyd yn eu mamwlad, o ganlyniad i **fygythiadau i'w bywyd, rhyddid neu ddiogelwch corfforol neu achosion difrifol o fynd yn groes i hawliau dynol**. Caiff y risgiau hyn eu hasesu wrth ymateb i anghenion penodol unigolion a theuluoedd, gan ystyried y cyd-destun lleol, argaeledd amddiffyniad cyfreithiol a chorfforol, a hygyrchedd gwasanaethau perthnasol, y gobaith o ddychwelyd yn ddiogel i'w mamwlad a'r egwyddor o undod teuluol.

Fe all merched, dynion, genethod a bechgyn gael eu hystyried ar gyfer adsefydlu, yn ogystal ag unigolion o hunaniaeth rhywedd neu gyfeiriadedd rhywiol amrywiol, pobl sy'n byw gydag anabledd, unigolion heb wladwriaeth ac eraill yr asesir eu bod angen amddiffyniad rhyngwladol. Nid yw ffactorau fel cenedligrwydd, ethnigrwydd, barn wleidyddol, credoau crefyddol, addysg, profiad gwaith ac iaith yn berthnasol i p'un ai y bydd UNHCR yn ystyried pobl ar gyfer adsefydlu.

Nid yw adsefydlu yn hawl. Bydd yr UNHCR yn blaenoriaethu **yr achosion mwyaf brys ar gyfer atgyfeiriad i wlad sy'n adsefydlu**. Ni all ffoaduriaid ddewis y wlad y bydd UNHCR yn gofyn iddi ystyried eu hachos, er bod ganddynt yr hawl i benderfynu p'un ai a ydynt yn dymuno cael eu hadsefydlu ai peidio.

Mae'r Sefydliad Rhyngwladol ar gyfer Ymfudo yn darparu cefnogaeth gydag adsefydlu a ddaw yn eang o dan bum maes:

Beth yw rôl y Sefydliad Rhyngwladol ar gyfer Ymfudo?

1. Hwyluso cenhadaeth ddethol a phrosesu fisa

Gall y Sefydliad Rhyngwladol ar gyfer Ymfudo ddarparu cefnogaeth o ran logisteg i awdurdodau'r gwladwriaethau sy'n adsefydlu, gan hwyluso eu cenhadaeth ddethol yn ogystal â'r gweithdrefnau dogfennau teithio a phrosesu fisa yn y gwledydd o lle caiff y ffoaduriaid eu hadsefydlu.

2. Darparu asesiad iechyd cyn gadael

Mae asesiad iechyd cyn gadael y Sefydliad Rhyngwladol ar gyfer Ymfudo, yn ogystal â chymorth iechyd yn ystod y daith, i sicrhau yr eir i'r afael ag anghenion iechyd ffoaduriaid cyn iddynt adael, eu bod mewn cyflwr i deithio ac y gellir gwneud trefniadau priodol ar gyfer derbyn gofal a pharhad gofal pan fo angen.

3. Cynnal sesiynau cyfeiriadedd cyn gadael



Mae sesiynau cyfeiriadedd cyn gadael yn hollbwysig i fynd i'r afael ag agweddau integreiddio ar y cam cynharaf bosibl yn nhaith adsefydlu ffoadur. Y nod yw helpu ffoaduriaid i ddatblygu sgiliau ymarferol ac agweddau sy'n cyfrannu at eu hintegreiddio'n gynnar yn y wlad sy'n eu derbyn.

4. Darparu cymorth gydag integreiddio ar ôl cyrraedd

Gall y Sefydliad Rhyngwladol ar gyfer Ymfudo hefyd ddarparu cefnogaeth gydag integreiddio ar ôl cyrraedd i ffoaduriaid sydd wedi eu hadsefydlu. Eu nod yw hwyluso integreiddio cynnar, mae enghreifftiau yn cynnwys sesiynau cyfeiriadedd ar ôl cyrraedd, darparu cefnogaeth uniongyrchol neu hwyluso gwell ymgysylltu gyda'r gymuned sy'n derbyn.

5. Gweithredu rheoli symudiad a gweithrediadau teithio

Er mwyn cynorthwyo ffoaduriaid sydd angen eu hadsefydlu mae'r Sefydliad Rhyngwladol ar gyfer Ymfudo yn darparu cymorth cynhwysfawr gyda symud sy'n cynnwys cludiant o fewn y wlad ac yn rhyngwladol. Tra bod y rhan fwyaf o ffoaduriaid yn teithio gyda gwasanaeth awyr masnachol wedi'i drefnu, bydd angen trefniadau wedi eu teilwra ar weithrediadau penodol a'r defnydd o deithiau awyr siarter.

Beth yw rôl cynghorau?

Mae pob cyngor ar hyd a lled Cymru wedi adsefydlu teuluoedd o ffoaduriaid hyd yma. Mae cyfranogiad cynghorau yn hanfodol i adsefydlu teuluoedd.

Yr agwedd gyntaf yw i'r cyngor sicrhau eiddo i'w gynnig i'r cynllun adsefydlu. Mae'n rhaid iddynt ddodrefnu'r eiddo yn briodol a sicrhau fod bwyd ac offer yn cael eu darparu ar gyfer y teulu sy'n cyrraedd. Mae'r broses baru, a reolir gan Gydlynedd Adsefydlu Ffoaduriaid Partneriaeth Mewnfudo Strategol Cymru, yn sicrhau y derbynnir teuluoedd yn ffurfiol ar gyfer yr eiddo, gan gynnwys cydgysylltu gyda'r heddlu, iechyd a chydweithwyr addysg.

Ar ôl iddynt gyrraedd mae'n rhaid i'r cyngor, neu'r sefydliad cefnogi a gomisiynir gan y cyngor, ddarparu cyfeiriadedd yr eiddo ac offer a chael cytundeb tenantiaeth wedi'i lofnodi gan y teulu.

Y diwrnod canlynol bydd y teulu yn cychwyn ar eu cefnogaeth integreiddio. Mae'r gefnogaeth hon yn cynnwys cofrestru gyda gwasanaethau Meddyg Teulu, derbyniadau ysgol, cofrestru gyda deintyddion, cynorthwyo i sefydlu cyfleustodau a mynychu apwyntiad gyda'r Adran Waith a Phensiynau. Bydd cyfrifon banc hefyd yn cael eu sefydlu a darperir cyfeiriadedd yr ardal.

Caiff cefnogaeth ariannol ei ddarparu gan Lywodraeth y DU i gynghorau ar gyfer cefnogi teuluoedd am gyfnod o 3 blynedd ar gyfer [Polisi Adleoli a Chynorthwyo](#)



[Affganiaid a](#) [Chynllun](#)
[Adsefydlu Dinasyddion Affganistan](#), a 5 mlynedd ar gyfer [Cynllun Adsefydlu'r DU](#).

Beth yw eich manylion cyswllt i gael rhagor o wybodaeth?

Anfonwch e-bost at WSMPComms@wlga.gov.uk gan nodi 'ymholiad yn ymwneud ag adsefydlu ffoaduriaid' yn y llinell destun.